

Ո Ր Ո Շ ՈՒ Մ N 464

Վարչական տույժ նշանակելու մասին

14 ապրիլի 2023թ.

ք.Գյումրի

Հայաստանի Հանրապետության պետական եկամուտների կոմիտեի Հյուսիսային մաքսատուն-վարչության պետ Հարություն Ազգալոյանս, քննելով Դիանա Հակոբի Մանուկյանի (անձնագիր՝ AV0218290, ք. Երևան, Ավան, Բոլուսով թաղամաս շենք 70, բնակարան 16) կողմից մաքսային կանոնների խախտում կատարելու վերաբերյալ նյութերը

Պ Ա Ր Զ Ե Ց Ի

Դիանա Հակոբի Մանուկյանի անվամբ 04.11.2022 թվականի թիվ 05100033/041122/0059824 տարանցման հայտարարագրի համաձայն Բագրատաշենի մաքսային կետով ՀՀ տարածք է ներմուծվել FORD FOCUS մակնիշի, 1FADP3F22JL252569 նույնականացման համարով տրանսպորտային միջոց: Տրանսպորտային միջոցը 05.11.2022թ. հանձնվել է մաքսային մարմիններին ժամանակավոր պահպանման: Տրանսպորտային միջոցի վերաբերյալ Դիանա Հակոբի Մանուկյանը սահմանված ժամկետում մաքսային մարմիններին մաքսային հայտարարագիր չի ներկայացրել:

Փաստի կապակցությամբ 14.03.2023 թվականին Դիանա Հակոբի Մանուկյանի նկատմամբ կազմվել է մաքսային կանոնների խախտման վերաբերյալ արձանագրություն <<Մաքսային կարգավորման մասին>> ՀՀ օրենքի 304-րդ հոդվածի հատկանիշներով:

Գործի քննությունը նշանակվել է 2023 թվականի ապրիլի 14-ին, ժամը 11:30-ին: Դիանա Հակոբի Մանուկյանը պատշաճ ծանուցվել է, սակայն չի ներկայացել գործի քննությանը, որևէ առարկություն, բացատրություն չի տվել:

ԵՏՄ մաքսային օրենսգրքի (այսուհետ՝ Օրենսգիրք) 101-րդ հոդվածի 1-ին կետի 1-ին պարբերության համաձայն՝ ապրանքների ժամանակավոր պահպանման ժամկետը հաշվարկվում է ապրանքները ժամանակավոր պահպանման հանձնելու համար ներկայացված փաստաթղթերը մաքսային մարմնի կողմից գրանցվելու օրվան հաջորդող օրվանից և կազմում է 4 ամիս՝ բացառությամբ Օրենսգրքի նույն հոդվածի 2-րդ կետում և 259-րդ հոդվածում նշված դեպքերի:

Նույն Օրենսգրքի 110-րդ հոդվածի 1-ին կետի համաձայն՝ միության մաքսային տարածք ներմուծվող ապրանքների մասին մաքսային հայտարարագիրը ներկայացվում է մինչև ապրանքների ժամանակավոր պահպանման ժամկետի լրանալը կամ Օրենսգրքով սահմանված այլ ժամկետում:

«Մաքսային կարգավորման մասին» ՀՀ օրենքի 301-րդ հոդվածի 1-ին մասի համաձայն՝ մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

«Մաքսային կարգավորման մասին» ՀՀ օրենքի 304-րդ հոդվածի համաձայն՝ սահմանված ժամկետում մաքսային մարմիններ Միության մաքսային օրենսգրքով կամ սույն օրենքով սահմանված մաքսային հայտարարագրերը կամ պարտադիր ներկայացման ենթակա այլ մաքսային փաստաթղթերը չներկայացնելը առաջացնում է տուգանք՝ **Ֆիզիկական անձանց համար՝ երեսուն հազար դրամի**, իսկ պաշտոնատար անձանց համար՝ հիսուն հազար դրամի չափով:

Ելնելով վերոգրյալից և ղեկավարվելով «Մաքսային կարգավորման մասին» ՀՀ օրենքի 305-րդ, 322-րդ և 334-րդ հոդվածներով՝


Ո Ր Ո Շ Ե Ց Ի

1. Դիանա Հակոբի Մանուկյանին ճանաչել զանցառու «Մաքսային կարգավորման մասին» ՀՀ օրենքի 304-րդ հոդվածով և նրա նկատմամբ նշանակել վարչական տուգանք 30.000 ՀՀ դրամի չափով (**տուգանքն անհրաժեշտ է վճարել 900005024055 հաշվեհամարին (ՀՀ պետական բյուջե, կենտրոնական գանձապետարան, Հյուսիսային մաքսափուն-վարչություն, նշելով հոդ՝ 28)**):
2. Որոշման մասին հայտնել Դիանա Հակոբի Մանուկյանին:

3. «Մաքսային կարգավորման մասին» ՀՀ օրենքի 334-րդ համաձայն որոշումն ուժի մեջ է մտնում այն կայացնելու պահից և կարող է վերադասության կարգով բողոքարկվել «Մաքսային ծառայության մասին» օրենքի 37-րդ հոդվածի համաձայն կամ ՀՀ վարչական դատարան՝ երկամսյա ժամկետում:

ՀՅՈՒՍԻՍԱՅԻՆ

ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ



ՀԱՐՈՒԹՅՈՒՆ ԱՋԱԼԴՅԱՆ

Ստացա որոշման օրինակը ----- < > ----- 2023թ